

→ atu Na'i laran-sadia tomak, simu sira iha ninia sorin iha glória no iha hakmatek.

6. Ita harohan mai ita hotu

→ atu ita husik Na'i gia ita atu komprende Na'i nia don sira ne'ebé Nia haraik mai ita iha tinan ida-ne'e hodi agradeze ho fuan sinseru, liuliu ba ita ida-idak ninia moris.

Ami Aman (kaer liman)

ORASAUN FINÁL

G: Maromak, Na'i tempu no moris nian, halo ami deskobre ho ksolok sinál sira Ita-nia providéncia nian no haraik mai ami forsa atu fó sasin no habelar Ita-nia Oan nia Evanjellu, Na'i Jezús Kristu, ne'ebé moris no ukun hamutuk ho Ita no Espiritu Santu, tinan ba tinan nafatin.

Hotu: Amen.

Knananuk: A MINHA CANTA JUBILOSA

1. A minha alma canta jubilosa, e alegra-se em Deus meu Salvador porque ele ama a sua humilde serva grandes maravilhas faz em mim.

2. Sobre todos aqueles que o temem D eus estende sempre o Seu amor: manifesta a força do seu braço ,dispersa os soberbo com poder

3. Deus derruba do seu trono os grandes,E exalta os humildes com amor Enquanto enche de bens os famintos, Deixa os ricos sem nada nas mãos

4. Con ternura e misericórdia, Deus cuida o seu povo Israel Recordando a promessa feita,A Abraão e a tudo a quem tem fe.

5. Gloria a Deus Pai todo poderoso,,Glória a Jesus Cristo,nosso irmão Glória ao Espirito de amor e graça, Por todos os séculos Amen.

Ref: *Ave Maria cheia de graça, o Senhor está Contigo; Ave Maria cheia de graça, o Senhor está Contigo, o Maria*

Knananuk : Ubi Caritas



AGRADESE TINAN TUAN MOMENTU ORASAUN NIAN

Introdusaun:

Iha oras ita remata tinan 2019. Ita husu: tinan ida-ne'e, iha loron 365 nia laran, ha'u iha motivu ruma atu hahi Maromak, atu agradeze Nia? Tinan ne'e di'ak no nia di'ak iha ne'ebé? Iha ne'ebé mak tinan ne'e la di'ak? Liuliu iha tinan santidade nian, ha'u aprende liutan husi santu sira Familia Saleziana nian atu hadomi liutan, atu moris liutan ha'u-nia vokasaun saleziana?

Knananuk: Hananu ho ha'u (loke tabernakulu ba adorasaun) *Ita sunu lilin 12 no tau iha Santissimu Sakramentu nia oin, simbolu tinan 2019 nian.*

Orasaun hamutuk:

Ami iha ne'e, Na'i, iha ita-nia oin iha tinan 2019 nia rohan atu agradeze ita tanba husik ami moris iha dalan rohan ida-ne'e, hamutuk ho Ita, no tanba Ita continua ofereze mai ami ita-nia grasa. Ita mak Na'i tempu no istória nian, nafatin tau matan mai ami no akompaña ami.

Iha ita-nia oin, ami-nia moris hanesan filme ida, sulhi ho eventu sira tinan ne'e nian, eventu ksolok no triste, simples no solene: ida-ne'e hotu ita-nia presente mai ami iha fulan 12 moris nian iha tinan ne'e.

Na'i, oras-ne'e ami husu ita-nia naroman atu haree ami-nia frakeza sira no ami husu Ita-nia kbiit atu foti empenhu foun iha dalan santidade nian.

Silénsiu (ezame konxiénsia nian).

G: Iha Na'i nia oin, minutu no oras sira, loron no estasaun sira sai ida de'it, eventu pesoál, komunitáriu, nasionál, mundiál sai ida de'it. Tinan ida ne'ebé ita hari'i maibé mós harahun, halibur maibé mós hafahe, valoriza maibé dalaruma mós soe leet de'it oportunidade sira ne'ebé Maromak ofereze.

Ho onestidade, ita haree katak husi ita-nia parte, ita la halo buat kmanek boot ruma. Maromak de'it mak ita-nia esperansa no ita iha nia oin ho liman mamuk no ho fuan nakonu ho konfiansa iha Nia husu ninia laran-sadia.

H – Kyrie, Kyrie eleison.

Leit.1 – Ba ami-nia domin ki'ik-oan.

H – Kyrie, Kyrie eleison.

Leit.2 – Tanba ami la hatene haksolok ho presente Ita-nia grasa nian.

H – Kyrie, Kyrie eleison.

Leit.3 – Ba ami-nia frakeza no indiferensa sira.

H – Kyrie, Kyrie eleison.

Leit.4 – Ba ami-nia ta'uk ka moe no ami-nia kesi-an ba buat oioin.

H – Kyrie, Kyrie eleison.

Leit.5 – Ba salan sira hasoru ami-nia comunidade.

H – Kyrie, Kyrie eleison.

Leit.6 – Ba salan sira hasoru ema sira ne'ebé Ita entrega mai ami.

H – Kyrie, Kyrie eleison.

Leit.7 – Ba ami-nia rezultadu nia pobreza.

H – Kyrie, Kyrie eleison.

Leit.8 – Tanba la rona Ita ne'ebé bolu ami liuhusi Ita-nia Liafuan.

(Ita hatudu jestu perdaun ba malu)

G: Maromak kbiit tomak na'in sadia ita, perdua ita salan no lori ita ba moris rohan-laek.

Hotu- Amen!

Salmu 90

1 Na'i, ita mak ami-nia subar-fatin husi otas ba otas.

2 Molok foho sira moris, molok rai no mundu hahú, husi otas ba otas ita Maromak.

3 Ita halo ema fila ba rai, hodi dehan, "Fila bá, Adão nia oan sira."

4 Tinan rihun ida ba ita hanesan horisehik ne'ebé liu ona, hanesan velada ida iha kalan.

5 Ita halo sira dukur – iha dadeer sira sei sai hanesan du'ut ne'ebé sai boot:

6 iha dadeer nia funan no sai boot, iha kalan namlaek ona no maran.

7 Basá ami naksobu ho ita-nia laran-nakali, neon-kraik tan ita-nia hirus.

8 Ita hatene ami-nia hahalok aat, ami-nia segredu la subar husi ita prezensa nia naroman.

9 Ami-nia loron hotu liu iha ita laran-nakali nia okos, ami-nia moris liu daudaun hanesan dada iis ida.

10 Ami-nia moris naruk tinan hitunulu – ualunulu ba sira ne'ebé maka'as – maibé sira-nia moris tomak ho neon taridu no susar, sira liu tiha lalais de'it hafoin ami la iha ona.

11 Sé mak senti ita laran-nakali nia kbi'it, ka sé mak hamta'uk ita, ita nia hirus?

12 Hanorin ami atu sura ami-nia loron sira, no ami sei to'o matenek nia fuan.

13 Mai fali, Na'il! To'o bainhira mak ami hein? Sadia ita-nia atan sira bá.

14 Dadeer dadeer hakonu ami ho ita-nia domin-metin, ami sei

hananu no haksolok ami-nia moris tomak;

15 halo ami-nia ksolok naruk hanesan tempu ne'ebé ita hasusar ami, tinan sira ne'ebé ami koko susar boot.

16 Hatudu ba ita atan sira hahalok ne'ebé ita halo, halo sira-nia oan sira haksolok iha ita-nia kmanek

17 Na'i nia laran midar hela ho ami bá, atu hametin hahalok ne'ebé ami halo tiha!

MAROMAK NIA LIAFUAN

«Haksolok nafatin; hamulak beibeik; no tanba buat hotu, fó agradese ba Maromak, basá ne'e mak buat ne'ebé Maromak hein husi imi atu halo iha Kristu Jezús.

Keta halo mate Espiritu, eh despreza profesia; koko buat hotu uluk lai, hafoin mak rai hela buat ne'ebé di'ak; laran metin ba buat ne'ebé di'ak, no hadook an husi buat hotu ne'ebé aat. Maromak bolu tiha imi no Nia sei la husik imi leet de'it». (1 Tes 16-21.24).

(Pauza)

G: Ho Maromak nia Liafuan nia kbiit no konfiansa iha ninia laran-sadia ita la'o ba oin. Mai ita hafoun ita-nia votus...

(Renovasaun votus)

INVOKASAUN

Iha tinan ne'e nia rohan, mai ita hasae ita-nia agradesimentu ba Maromak santu no laran-sadia ba don sira nia haraik mai ita:

R. Na'i rona ami.

1. Ita harohan ba Kreda tomak

→ atu iha hodi reflète akontesimentu sira tinan ne'ebé liu daudaun, nia hafoun an iha roman Evanjellu nian atu ofereba ema hotu rahun-di'ak sira Maromak nian. *Ita harohan.*

2. Ita harohan ba ita-nia maluk sira ne'ebé moris tempu difisil → atu sira kuda konfiansa iha Maromak, hodi saran an iha Na'i nia liman, Aman ne'ebé riku iha mizerikórdia ba nia oan sira

3. Ita harohan ba foin-sa'e sira ne'ebé iha tinan ne'e ita hasoru → atu sira sai boot iha prinsípiu evanjéliku, hodi kuda valór umanu no morál sira.

4. Ita harohan ba ema sira ne'ebé hakotu ema nia moris ho dalan oioin, abortu nst

→ atu sira hakribi sira salan, husu perdaun ba Na'i. no fiar katak Maromak nia mizerikórdi aboot liu sira-nia salan sira.

5. Ita harohan ba dame entre ita no mundu tomak

→ dame ne'ebé bazeia ba responsabilidade resíproka ema hotu nian, no mai husi konversaun fuan nian loron ba loron, hodi konfia nafatin iha Na'i nia tulun.

6. Ita harohan ba ema hotu ne'ebé tinan ne'e husik tiha ona moris iha rai ida-ne'e